

D. D.  
 ANIMADVERSIONES NONNULLÆ,  
 DE  
 OECONOMIA & MORIBUS  
 INCOLARUM  
**LAPPONIÆ  
 KIMIENSIS,**

QUAS,

*CONS. AMPL. FAC. PHIL. IN. REG. ACAD. ABOENSI,  
 PUBLICÆ DEFENDENT,*

P R Æ S E S,

**S A M U E L  
 C H Y D E N I U S,**

ET RESPONDENS,

HENRICUS WEGELIUS, H. F.

*OSTROBOTNIENSES.*

Die 13. Martii 1754.  
 L. H. A. M. S.

---

ABOÆ, Impressit Direct. & Typog. Reg. M. Duc, Fin-  
 land, JACOB MERCKELL.

VIR Nobilissime, et

# DN. MARTINE

Regis Regnique, quod Aboe est, Dicasterii ASSESSOR  
MÆCENAS

*Admodum Reverende atque præclarissime,*

**Dn. ISACE ERVAST,**

PASTOR & PRÆPOSITE in Kimi Laudatissime, Patrono  
ne Propensissime!

*Plurimum Reverende atque Præclarissime,*

**Dn. JACOBE CHYDENI,**

PASTOR Ecclesiarum Gamla Carlebyensium Meritissime,  
Benefactor quovis Animi affectu colende!

*Plurimum Reverende atque Præclarissime,*

**Dn. ANDREA HELLANDER,**

PASTOR in Utsjoki Vigilantissime, Fautor  
æstumatissime!

*Per quam Reveren-*

**Dn. OLAE**

COMMISTER Ecclesiarum in Tornio

**N**Obilissimum, Praclarissima, Clarissima, Nomina, Ve-  
ga Vos pietatis, publicum aliquod exstaret documen-  
tumillime rogo: Pro perenni Vestra felicitate ad ulti-  
Nobilissimi, Praclarissimorum, Claris-

bumillimus cliens &  
**HENRICUS**

*que Consultissime,*

# POLVIANDER,

*Æquissime, Parentis Avuncule ad cimenes usque colende!  
MAGNE!*

*Admodum Reverende atque Praclarissime,*

## Dn. Mag. ESAJA FELLMAN,

*PASTOR & PRÆPOSITE Limingoënsis meritissime, A-  
vuncule omni honoris cultu prosequende!*

*Plurimum Reverende atque Praclarissime,*

## Dn. JOHANNES WEGELI,

*RECTOR Scholæ Tornoënsis Meritissime, Patrui  
nomine fuspiciende!*

*Perquam Reverende atque Clarissime,*

## Dn. NICOLAE FELLMAN,

*COMMINISTER Kimiensis Dignissime, Avuncule multis  
nominibus honorande!*

*de atque Clarissime,*

## GRAPE,

*Sup. Dignissime, Affinis Carissime!*

*stra ea unice mente, heic serenda curavi, ut sic meæ er-  
tum. Has itaque pagellas, ut benigno fuscipiatis fronte,  
mum vitæ balitum vota semper fufurus calidissima,  
simorum NOMINUM VESTRORUM*

*obſervantissimus cultor,*

*WEGELIUS, H. F.*

Plurimum Reverende atque Praclarissime,  
**D<sub>N.</sub> H E N R I C E**  
**W E G E L I ,**  
PASTOR in Sådankylä meritissime,  
PARENS OPTIME!

*Accipe, Favente animo, Parens Optime, parvum hoc  
atque chartaceum munusculum, quod Tibi devotus  
offerō.*

*Tuorum beneficiorum reputans magnitudinem, faci-  
le deprehendo, quam a Tua liberalitate, mea in repen-  
dendo tenuitas, immenso fere distet intervallo;*

*Quantulum vero est, quod Tibi dare sustineo, cer-  
tissimum reverentiae pignus, gratissimique animi argu-  
mentum, esse credito.*

*De cetero, præstabit, Tua in me merita, sacro  
involvere silentio, quam incomita oratione eloqui,*

*Præstabit, tacita potius veneratione, quam publica  
aliqua significacione; eadem semper colere;*

*Præstabit, pro Tua, Matrisque Optime, perenni pro-  
speritate, vota effundere calidissima, ut quam diutissime  
vivatis, in omnium nostrorum, quotquot Vestri sumus, ful-  
crum firmissimum.*

*Ero, quoad spiritus hos regit artus,*

PARENTIS OPTIMI,

*humilissimus & obedientissimus filius;  
HENRICVS WEGELIUS, H. F.*



## §. I.



Pecimen Academicum edituri, vix argumentum, vel jucundius, vel utilius eligeremus, quam ut potissima, quæ de œconomia & moribus Lapponum Kiemienium notatu digna visa fuerint, paucis exponamus; Dum enim reliquæ omnes Regno Sveciæ adjacentes Lapponiæ, sæpius curiosorum oculis fuit perlustratæ, hæc quæ maxime dissita fuit, semper mansit inacessa, ideoque minus cognita.

## §. II.

Tota hæc Lapponia, intra circulum Poli Brumalis sita, longitudine, ab austro septentrionem versus, ultra 50. millaria extenditur, latitudine autem 30. circiter millaria in plerisque locis comprehendit, ideoque non adeo parva Lapponiæ pars est, ut plenumque haberi solet, cum multa majora etiam Europæ imperia magnitudine superet.

Licet supra maris superficiem adeo elevata sit hæc regio, ut vastissimi etiam campi, & maxime depre-

sæ paludes, altissimas ad litora Sinus Botnici exsurgentes montium summitates altitudine facile superent; (a) & mediterranea ejusdem loca ultra 50. millaria a mari, sive Boreali, sive Botniensi distent, aquis tamen est abundantissima. (b)

(a) Constat asserti busus veritas, ex librationibus in cataractis fluminis Uhleāensis factis, quippe quæ docent, tantam maximo lacui (Uhleā trāsk) in Paldamo sito, adscribendam esse, supra maris superficiem elevationem, ut addita altitudine cataractarum fere innumerabilem, fluvii ex confiniis parœciae Cusamoensis in Lapponia oriundi & post 30. millaria in prædictum lacum se exonerantis, res a nemine in dubium vocari queat.

(b) Causam hanc esse suspicamur, quod altissimi montes & alpium juga, aquosos vapores & vi ventorum agitatas nubes, hic subsistere, hic in majus concrescere, hic descendendo quævis loca irrigare, jubeant.

### §. III.

**C**Um per totam hanc Lapponiam se exporrigat jugum illud terræ, Mantelkä dictum, quod aquas Sinum Botnicum & Oceanum Borealem quærentes dividit; hinc pluribus in locis, vix quartam milliaris partem a se invicem distant aquarum scaturigines, ad oppositas mundi plagas properantes. Imo præ certeris dignus est cuius mentionem injiciamus, fons quidam inter summa Alpium juga profiliens, a Sombio (a) versus Enare hiemali tempore iter facientibus obvius, qui totam quanta est Sveciam una cum Norvegia a continente separat & aquis circumfluam reddit.

dit. Ex hoc enim, tanta copia aquæ limpidissimæ prorumpunt, ut binis sufficient rivulis, quorum septentrionem versus unus, ad Sinum vero Botnicum alter, adeo præcipiti properant cursu, ut intensissima Alpium frigora eosdem obturare nequeant.

---

(a) *Quod villa bæc Lapponiæ Kimiensis Sombio dicta, adhuc priscam Lapponum a Sabme, Same & Suome, denominationem gerat, ipsa vocum affinitas prodere videtur, de qua re conferri omnino meretur Dissertationis de Holmgardia §. XII. p. 23.*

#### §. IV.

**P**Aludes autem hujus Lapponiæ, musco squalentes, aliæ pinis talicibus & betula nana obsitæ periuntur, aliæ nullis tectæ arboribus per plura miliaria semet extendunt, & campos repræsentant vastissimos, æstivo tempore inacessos, ob fraudulentiam uliginosi soli, in quo innumeræ & profundissimæ aquarum scaturigines latent, quæ omnes in rivulos tandem exeuntes rapidissimos, ad flumina præterlabentia majora decurrunt.

Latisimas autem hujusmodi paludes vidimus, a Sombio versus Alpes iter facientes, maria vastissima glacie obducta repræsentantes; Etenim si turbidior conigerit tempestas, in medio ejusmodi paludum constituto, vix ullæ sylvarum & montium circumiacentium species, sub alpestrum venient, niveæ camporum albedini, cœlorum fornices insistentes apparebunt, & absque pyxide nautica trajici posse negares, nisi, partim rangiferorum, partim quoque Lap-

ponum, illa foret dexteritas, ut, quo semel cursum direxerunt, illuc eundem recta plerumque continuare queant, quasi ad ductum acus magneticæ id factum fuisset.

## §. V.

**S**unt, qui diversa vocis Svecanæ träsk significatio-  
ne seducti, etiam maximos Lapponiæ & utrius-  
que Botniæ lacus, pro hujusmodi paludibus uliginosis venditant, ignari, vocabulum träsk, quod in australioribus Sveciæ, paludes Sphagno squalentes plerumque indigitat, in septentrionalibus patriæ provinciis, de ipsis lacubus dici. Sic Uptaliæ haud ita pri-  
dem editam esse dissertationem Svecanam, cui titulus *försök til åkertügt och fänkjord*, referunt nuntii literariorum Holmenses, in qua, *Enare träsk & Torne träsk &c.* in numerum hujusmodi paludum, in Lapponia vastissimarum referuntur, cum tamen sint lacus, vel maximis navibus onerariis navigabiles, piscibus abundantissimi & aquam continentis limpidissimam, purissimam, ex Alpium cacuminibus, per inumeros rivulorum sibilos, per flumina & cataractas, defluentem. Neque minor est hæc, ex prædicta ambiguitate vocis träsk orta confusio, quam si lacus Wäneri & Wetteri in Svecia pro paludibus musco obductis & uliginosis quis venditaret. Quod enim attinet lacum Enare träsk, ille quidem tam late patet, ut quanta sit ejus in omnes plagas extensio, Lappones ipsi ignorant. Nos unicum hujus lacus, hiemali tempore rangiferis vecti, trajecimus sinum, insulis majoribus & minoribus re-  
fertissimum 6., ni fallor, millaria Lapponica latitudine comprehendentem.

## §. VI.

## §. VI.

**D**E lacubus in genere observamus, quod in australiori & boreali hujus Lapponiae partibus, sint majores & frequentiores, in mediis vero Lapponiae locis rariores & minores, licet eadem sint praे reliquis depressa. In parœciis enim Enare & Cusamo innumeri prorsus occurunt lacus, iidemque sæpe latissimi & altissimi, in parœcia autem Sådankylæensi pauciores reperiuntur. Hos omnes lacus in triplici potissimum consideramus differentia. Alii collibus & terra solida undique clausi, nullos vel admittunt, vel evomunt rivulos, aquam continent rarius limpidam, plerumque, vel nigricantem, vel rubescentem, piscibus tamen refertissimam (a). Alii nullos licet admittant rivulos, aquarum tamen per rivulos ingentem evomunt copiam. Alii denique fluviis & rivulis aliunde ortis maximam aquarum debent copiam, eandemque propriis scaturiginibus auctam per flumina majora in alios iterum evomunt lacus, & sic continua- ta lacuum & fluviorum serie, vel Moscoviam, vel Norvegiam, vel Ostrobotniam, permeando irrigant, tandemque, vel in Oceanum septentrionalem, vel Sinum Botnicum se exonerant.

---

(a) *Quomodo autem pisces in hujusmodi undique clausos pervenire potuerint lacus, perpendentes, illorum veritati convenientissimam & maxime probabilem existimamus conjecturam, qui ex ovis piscium, ab avibus quibuscumque aquaticis, potissimum vero anatibus, ad littora eliorum lacuum devoratis & cum stercore in clausis his lacibus depositis, ortos esse autemant, reperiundos in iisdem pisces.*

Tan-

Tanto majori probabilitate semet hæc ipsa commen-  
dat sententia, quanto certius constat, illas piscium species  
tantum in his lacubus reperiri, quæ ludibundæ, ad littora  
lacuum, ova sua deponere amant; quales sunt, *Cryprinus*  
*Fauna Svec.* N. 329. *Mor. Perca* 284. *Abbor*, *Esox* 304.  
*gadda*, *Cyprinus* N. 322. *Ruda*, &c.

Quæ vero pisces, vel in alto maris, vel in remo-  
tioribus a terra scopulis ludorum suorum solemnia cele-  
brare solent, quales sunt *Coregonus* 312. *Sik*, *Gadus* 292. *Laka*  
*Coregonus* 313. *Muicku* &c. illorum ova vix ac ne vix qui-  
dem tanta copia ab avibus devorari possunt ideoque  
in his lacubus undique clausis nunquam reperiuntur.

### §. VII.

**A**d hæc flumina & lacus, tanta est riparum & li-  
torum elegantia, apta adeo insularum & freto-  
rum concatenata dispositio, tanta florum ipsis aquis  
innatantium copia, tot adjacentium collum, arbori-  
bus frondiferis virescentium, inumbrati & amœni re-  
cessus, illa camporum pubescentium, sibi invicem  
succedentium pulcritudo, ut si his addideris æthereo  
colore e longinquo conspicienda, summitates nubi-  
bus implicantia & prospectum blande coercentia, *Al-  
pium juga*, facile largiaris, te hac in regione videre  
quidquid præclari sub oculos cadere potest. Neque  
curioso observatori his deliciis oculos pascenti auri-  
um deerunt illecebræ. Percipiet undique in rivulis  
currentium aquarum strepitus, quippe quæ faxulorum  
asperitate irritatae, ebullientes, spumantes, defluunt  
lenissimaque obmurmuratione vim sibi fieri quiritant.  
Percipiet agmen aligerum, cuculorum, turdorum, alau-  
darum

darum &c. canoro garritu, dulcissima cantillare modulamina, & certatim concentibus aëra mulcere ; quo amabili jurgio, nil ad aurium oblectationem jucundius.

Præ reliquis autem omnibus, liquidioris voluptatis sensu jucundissimo animum afficit, Phœbeæ lampadis in Lapponicas has terras favor plane singularis, dum per integros menses occidi nescia, immutabilem rebus omnibus adipergit pulcritudinem, & suam in limpidissimis innumerabilium lacuum, fontium & fluviorum speculis, expressam augustam speciem contuendam exhibens, nunc aureum fulgorem excitat purissimum, nunc rutilantem vibrare videtur flammarum, ut spectari nihil gratius queat, nihil adumbrari magnificentius.

### §. VIII.

**S**umtuosius & insolentius, quam res ipsa postulat, nos de regionum Lapponicarum præstantia gloriari dices, nisi universa rerum natura pro asserti veritate pugnaret; etenim innumerabiles avium turmæ, rerum in his reperiendarum dulcedine incantatae, australiora orbis loca quotannis deterendo & per immena cœli spatia gregatim huc volitando, nonne abunde satis docent, se nulla his magnificentiora & jucundiora detegere potuisse loca, in quibus luxuriantis naturæ deliciis stimulati, ludibundi coëant, ova deponant, pullos excludant? Avibus suffragari videntur cetera fere quævis animalia, imo & in abditissimo maris baratro reconditi, innumerabiles pifciun greges, qui ex diffitissimis & diversissimis manudi pla-

di plagis per immensa oceani spatia, per innumerabiles fluviorum flexuras, per rapidissimos aquarum lapsus & horrendas cataractas, ad celebrandos hos naturæ ludos, tanta properant celeritate, ut avium in volando dexteritatem æmulare dixeris, & quid opus est pluribus? certe si Lapponiam hanc nostram ceteris orbis regionibus eminentiorem & cum Alpibus cœlum versus elevatam consideraveris, ut theatrum gaudiis naturæ destinatum, forte ideam ejus habebis convenientissimam.

## §. IX.

**Q**uid igitur mirum, si Lappones in tanta deliciarum naturalium abundantia constituti, vestras, qui australiora orbis loca incolitis delicias parvi faciant? Quid mirum, si suam cum felicissimorum procerum vivendi ratione immutare nolint? Quid palatiis opus est illis, qui sub divo palatia inhabitant ex suo gusto lautissima? Quid opus est muris & munitis urbibus ubi nullus adest hostis? Quid opus est hortis ubi vix quidquam præter amoenissimos hortos a natura ipsa dispositos reperitur? Quid piscinis & aquæ ductibus, ubi plures vix arte humana fingi possunt, quam quos natura dedit?

Sed cimmeriæ inquieres tenebræ & intensissimum ejus regionis frigus tempore hiemali, sterile denique solum, Lapponiam nihilominus infelicissimis orbis regionibus annumerandam esse arguunt. Ast falsa profertis, quicunque sic argumentamini, esse vero vos plurimos jam prævideo.

## §. X.

## §. X.

**C**immerias qui loquimini tenebras, habete, tenebras Lapponum, si cum tenebris locorum orbis mediterraneorum per gradus conferri possent, ne dimidiam quidem vestrarum tenebrarum esse partem. Etenim, quantum Luna & fornicati stellarum ordines; imprimis vero Auroræ boreales (*dictæ Nordskæn:*) (a) in locis nive & glacie obductis, luminis efficere queant, vix novistis. Sit quod solaris faciei aspectus, brumali tempore, non sit concessus Lapponibus nostris, non tamen desunt ipsis dies, licet sint brevissimi, neque deest lignorum & sebi copia, quibus luminis quantum fatis est consequi possunt. Itinera autem quævis, si nocturno tempore fuerint instituenda, ope dictorum luminarium, commode confici possunt, idque tanto magis, cum illa sit sylvarum Lapponicarum ratio, ut ubique per illas pateat iter; Non cardui neque spinæ neque densitas arborum, illas, ut in sylvis regionum australiorum tæpius contingit, reddant inpervias. Luci jucundissimi & ambulacra elegantissima quaquaversum patent. Vobis vero quantum prodest brumali tempore solis aspectus? nonne coelum nubibus plerumque obductum? nonne humida vestra tempestas? nonne limo & stercore obductæ plateæ, molestiam vobis creant maxime tædiosam, Lapponibus ignotam?

---

(a) *Venerabunda mente mirari covenit Creatoris optimi in regiones has boreales benevolentiam, quod lampade horum ignium, egregie adeo Lapponibus prospexerit nostris, ut deficiente illis, ex legibus naturæ splendore solari,*

*solari, non modo per integras s̄epe luceant noctes; sed jucundissimam simul inferant oblectationem, dum lenocinantes vibrationes, colorum pulcerrimorum, disperrentium, enascentium, aliorum in alios abeuntium, hinc ardenter illinc blandiori lumine certantium & quorumvis ignium technicorum elegantissimorum festivitatem eludentium, defixos ad miratione tenent oculos.*

## §. XI.

**L**Apporum vero frigora, qui extimescitis, Lappones vobis consentientes minime habebitis. Illi enim plerumque, quo fuerit frigidior tempestas, eo semper sunt lætiores & alacriores, Imo, quidquid hemicalli tempore in desertis Lapponiae vitam dicit, idem sentire videtur, imminente enim mitiori tempestate & quævis animalia & Lappones ipsi, torpent & langvelcunt.

Imo nec dubitandum, omnes, etiam quam maxime effeminatos homines, intensissima Lapponiae frigora, absque molestia preferre posse; velim vero, ut alio indui habitu, quam quo Lutetiae utuntur heic incedant. Pelliceas loquor vestes, quæ summa eludunt frigora, quæque ex pellibus pretiosissimis, confici, auro denique argento & purpura, imo & si placuerit gemmis, pro arbitrio dispositis, exornari possunt, quam magnificentissime, quæque adeo levia sunt & gestatu commoda vestimenta, ut nesciam utrum quid effeminato corpori delicatius effingi queat. Palatiis vero five ligneis five lapideis exstruendis, iisdemque pro lubitu calefaciendis materie optata suppetit abundantia.

(a) De

(a) De frigoribus in hac Lapponia observamus, quod tanta omnino sit eorum in corpus humanum sevitia, in australioribus Sveciae & Fenniae, provinciis, ac in ipsa Lapponia, cum illa tamen differentia, quod Lapponum frigora sint constantiora & magis diuturna.

## §. XII.

**Q**ui sterilitatem toli Lapponici accusant, quid dicant non satis perpendunt. Sit, quod lubentes concedimus, agriculturam & praticulturam non æque heic ac in aliis orbis partibus ex votis procedere; Sufficit, quod hodierna Novantium in Lapponia sedulitas jam quædam detexerit loca, in quibus omnis generis fegetes absque periculo frigoris provenire queant. Sufficit, quod ex his locis, licet paucissimis, rite excultis, tantum frumenti queat obtineri, quantum Lapponibus nostris multoties multiplicatis satis esse poterit. Sufficit, quod omnes circumiacentes regiones quotannis Lapponibus & Novacolis nostris venalem exponant tantam frumenti copiam, quantam consumere vix possunt.

Quodsi agri frugiferi & florescentia prata, tanta copia in Lapponia obtineri nequeant, quanta habentur alibi, adsunt nihilominus alia luxuriantis naturæ beneficia, quæ hunc defectum non compensant modo, sed longe superant. Albicante nitore ubique abundantes loquor lichenes, quibus non montes modo & lapides, non tantum colles arenosi per plura millaria protensi; sed loca quoque uliginosa sphagno obsita, & iplæ denique arbores, vestiuntur, ornantur,

Quibus numerosissimi aluntur rangiferorum greges, ali vero possent innumeris. Terræ enim facies in plenisque hujus Lapponiæ locis, si parœcias Enare & Utsjoki excipias, innumeris constat collibus arenosis longissimis, qui raro montis instar in altum exsurgunt; sed plerique paululum supra paludes interjacentes editi, vel horizontales sunt, vel etiam in alios minores divisi colles, semper lichene obducti & pinis obsiti reperiuntur. De campis Lapponiæ lichenosis, dignissima sunt, quæ in medium proferamus, verba ill. Linnæi Flor. Lapp. p. 332.

Nullum inquit vegetabile in tota Lapponia tantum in copia reperitur ac hæc lichenis species, ibi enim non modo videbis campos per spatium unius horæ, sed sæpe duorum triumve milliarium nivis instar albos, solo fere hocce lichene obductos. Hic lichene obducti campi, quos terram damnatam dicet peregrinus, hi sunt Lapponum agri, hæc præta eorum fertilissima. Pabulum primarium per longam istam hiemem rangiferis est hic lichen, quod pecora hæc proprio marte norunt sibi comparare, ut non modo ex hocce lichene alimentum habeant sufficiens; sed & per hiemem sæpe pingvescant. Hinc nec opus habet pastor, ut domos extruat pro grege suo in quibus per noctes incarerabitur calidus, non opus habet per æstatem, ut plantas dissecet, exsiccat, colligat, domum reportet, conservet.

## §. XIII.

**N**Eque existimandum, instabilem istam, quam amant Lappo-

Lappones vivendi rationem, esse ex natura regionis & rangiferorum necessariam, docet enim Novacolam per totam hancce Lapponiam exemplum, numerosissimos rangiferorum ali posse greges, absque sedium & habitaculi mutatione. Sic in parœcia Cufamoensi ubi nulli amplius supersunt Lappones, omnes Novacolæ, qui alioquin vitam plane rusticam agunt, ingentes possident rangiferorum greges, imo numerosiores, quam ipsi Lappones. Neque video quid impedire, quominus id itidem alibi, eodem procederet modo; graminibus enim ad ripas fluviorum & lacuum ubique reperiundis æstate vivunt; hieme autem lichene in omnibus locis abundantissimo vescuntur, rangiferi.

Quodsi alicubi necessarium foret rangiferis, vel ob intolerantiam caloris, vel ob defectum pabuli, vel etiam ob multitudinem insectorum, Alpes æstivo tempore petere, quid obstat tamen, quominus eodem modo, quo ruricolæ nostri in Norlandia boves suos cum pastoribus ad alpes dimittunt ibique domos pro pastoribus exstructas habent, ipsi vero cum tota familia in campis remanent, nullis obnoxii sedium mutationibus? quid obstat inquam, quominus eodem modo & rangiferi cum certis delectis pastoribus ad alpes æstivo tempore dimitti queant, possessoribus & dominis in campis remanentibus?

Videtis itaque, quicunque instabilem Lapporum vivendi rationem extimescitis, illam neque ex regionis natura neque ex indole rangiferorum esse necessariam, sed ex sola pendere consuetudine. Videtis

detis gravissimos & difficillimos labores, quibus vos terras, qui incolitis sic dictas fertilissimas, cruciamini, Lapponibus esse ignotos, qui innumeris naturæ varietatibus, otiosas mentes delectando, refocillando, continuis dediti mutationibus, nunc alpium cacumina, nunc camporum planicies quærunt, nunc ad ripas fluviorum & lacuum, nunc iterum ad fontes jucundissimos sedes figunt.

## §. XVI.

**V**os vero, qui de soli Lapponici inclemencia ad huc querimini, perpendite porro sylvarum Lapponicarum indolem. Etenim campi & colles prædicti arenosi, qui potissimum terræ Lapponicæ constituunt partem, non modo lichenis, cuius mentionem injecimus, nitidissima vestiuntur albedine; sed pinetis quoque in æternum virentibus superbunt (*a*) pretiosissimis, quorum altissimi sæpe & erecti caudices lignum præbent durissimum, quibusvis usibus commodatissimum. Si itaque flumina altissima ex Lapponia ipsa oriunda & modicis impensis navigabilia reddenda in animum revocaveritis, si harum sylvarum multitudinem consideraveritis, si ingens pretium quo divendi possent ad calculum vocaveritis, si denique, quorumvis animalium in his sylvis hospitantium multitudinem, perpendere volueritis, facile largiemini, solum Lapponicum, quod plerumque sterile habetur esse ditissimum.

Rei ignotæ, nulla ducti cupidine, vineta vestra & arbores vestras frugiferas parvi faciunt Lappones;

Si

Si autem dixero, vos, qui australiora orbis loca incolitis fertilissima vestra vineta, cum uliginosis Lapponum paludibus lubenter commutaturos fore, si rerum id permitteret indoles, non crediderim me plura dixisse, quam quae diceretis ipsi, modo contingere aliquando vobis, baccarum in paludibus Lapponiae provenientium, abundantiam & dulcedinem experiri; padii enim Lapponiae ruborum copia totæ flavescent & ingens Lapponibus lucrum reddere possent, si his baccis legendis & condiendis, operam impendere vellet; sed otii nimium dediti, vix plures colligunt, quam vel ipsi delicato ingerunt palato, vel selectis mis proponunt hospitibus (b).

(a) Memoratu dignum videtur, quod in regionibus transalpinis septentrionem versus inclinatis, Enare lacum & alpes ipsas interjacentibus, abietes nullæ reperi-antur; quod pinetis tamen abundant pretiosissimis; quod exigua admodum ab hac parte alpium septen-trionali sit hieme nivis copia, ut vix terram tegere queat; quod a parte alpium austrius versus inclinata im-mensa fere quotannis observetur nivis quantitas.

(b) In vasis ex cortice betulina confectis & aquis submersis, cellariis destituti Lappones, contra solis astum & hiemis frigora, baccas suas conservant.

### § XV.

**V**ituperamus autem, nimiam horum Lapponum Kiemensium in venationibus, tam aquaticis, quam sylvestribus, exercendis diligentiam, etenim, non mente solum

solum conceptum, sed re ipsa compertum quoque est periculum, animalium pariter ac piscium copiam, auto indies incolarum numero, penitus imminutum iri & evanescere.

Vituperamus, perversam illorum cum rangiferis domitis *& economiam*; Etenim in tota hac Lapponia orientali, nec lacte utuntur renonum, nec per totam æstatem aliquam eorum gerunt curam. Vere appropinquante penitus eos dimittunt, ut nunquam amplius Dominum revisuros crederes; nisi illa esset animalium horum data quasi fides, ut redeunte iterum hieme, non modo ipsa, hiberna sua & solita repetant pascua; sed & vitulos in sylvarum desertis progenitos, ad dominum ducant suum. Paucissima mehercule sunt, quæ obtenta libertate, in servitutem redire detrectant, quædam per plures annos eadem satiata, mutato denuo consilio in servitutem redeunt (a).

Illi vero Lappones, qui lacte utuntur gregum suorum, eodemque pretiosissimo, omni alio vitæ sustinendæ adminiculo destituti, non modo necessaria obtinent sibi & familiae suæ alimenta & vestimenta, sed & saepe ditescunt Neque dubitandum, ex sola hac prudenter instituta, pastaura rangiferorum, Lapponiam hanc Kimiensem imo &, quod speraverim reliquas, posse fieri & incolis & opibus locupletissimas.

---

(a) *Ex auribus varie dissectis, quilibet Lappus* suos *dignoscit rangiferos. Hinc furis instar ex tenore legum habetur, qui pelles vendiderit, auribus* destitutas.

## §. XVI.

**N**on dubitamus, nosmet lecturis quam plurimis rem facturos gratissimam, si ultro describendis Lapponum in venando artificiis operam impendemus aliquam; sed tam diffusus se offert dicendorum campus, ut opellæ huic præscriptos limites, longe superet, sufficiet itaque potissima & generalissima tantum tetigisse.

Venationes Rangiterorum sylvestrium, a domitis non specie, sed sola libertate distingvendorum, potissimæ sunt, quæ in hac Lapponia instituuntur, ex quibus omnis fere incolarum hodie pendet felicitas. Ante usum pulveris pyrii, multo laboriosior fuit captura Rangiferorum sylvestrium; arcubus enim & hastis, licet fuerint exercitatissimi Lappones, superfuit tamen animalibus his adhuc aliqua spes mortem evitandi, hodie vero, postquam bombardarum & pulveris pyrii usus invaluit, neque in pedum celeritate, neque in tylvarum & montium latebris, Rangiferis aliqua spes vitae supereft. Lappones enim, venationibus toti dediti, vastissima torius Lapponiae deserta peragunt, lacus & flumina altissima, singuliari dexteritate trajiciunt, alpium summa cacumina & vallium profundiores quoque hiatus, Lynceis perlustrant oculis, ut si in tota Lapponia aliqua hospitent animalia, illa, semel ferre visa, unico noctu oculi transfigant.

Prodit vero nix hieme & canum sagacitas æstata, quorumvis animalium in sylvis hospitia & mirari convenit, quidni omnia animalia, a morte &

vitæ periculis, ne unico quidem temporis momento libera, totam jam dudum deferuerint Lapponiam; sed locorum dulcedine capta perire malunt.

Quod si nullæ huic malo medeantur Superiorum curæ & Lappones, aliis quoque vitæ sustinendæ modis, paulatim assuescant, erit brevi omnibus Lapponibus nostris fame & inedia pereundum.

### §. XVII.

**R**angiferorum venationi, digna est, quæ proxima ponatur, Castorum capture. Admirandi autem hujus animalis mira œconomia & Lapponum in eodem capiendo summa calliditas, dignæ quidem essent, quæ describeremus, cum constet, in optimis hucusque editis descriptionibus, multa fabulosa veris substitui; sed jubet instituti brevitas, ut alii, si Deo visum fuerit, occasione id relinquamus. In præsentí sufficiat memorasse, ingens quotannis ex pellibus & castoreo hujus animalis Lapponibus nostris redundare lucrum; Lappones vero lucri fame ductos, nimis avide etiam hæc venari animalia, ut non periculum modo sit; sed manifesta admodum res, omnes Castores in fluminibus & lacubus habitantes, brevi a stirpe interituros. In asserti vetitatem adducemus exemplum Lapponum Kuolajerviensium. His, uti reliquis omnibus Lapponibus, communis olim fuit capture castorum, ut five plus, five minus quilibet ceperit, omnia in commune conferre sverint, & dein æqualiter inter singulos dividere; Sed cum saepius hac ratione eveniat, ut aliqui, otiis nimium dediti & vena-

venationum molestias evitaturi, ne unicum quidem capere queant castorem, aliorum tamen prædam participent; hinc Kuolajerviensium Lapponum nonnulli, iidemque venatores diligentissimi, feliciissimi, noluerunt, captam in silvis & fluminibus prædam, in commune conferre & cœperunt postulare, ut certa sibi assignarentur flumina, in quibus ipsis pro lubitu Castores venari liceret; quæ petiere tandem impetrarunt, & insequentibus annis adeo feliciter & diligenter Castores venabantur, ut ditissimos totius mundi incolas futuros exultimassent, nisi paucorum annorum docuisset experientia, hac nimia diligentia id esse effectum, ut omnes ex suis fluminibus sustulerint Castores. De Sciurorum, Mustelarum & ceterorum quorumvis animalium capture, idem erit tenendum, quod jam de Rangiferis & Castoribus observavimus. Piscationum, quæ in fluminibus & lacubus instituuntur eadem plane est ratio; licet enim adhuc sint abundantissimæ, indies tamen piscium copiam valde imminui & omnes uno ore clamitant & ipsemet probe sum expertus.

### §. XVIII.

**E**X his omnibus rite perpensis, facili patet negotio, quid de œconomia Lapponum nostrorum sit sperandum. Patet Rangiferorum pasturam, maxime commodum & regionis naturæ convenientissimum esse vitæ sustinendæ modum, huic itaque aſſeſſendos esse Lappones nostros Kimienses. Patet nimis venationes, tam aquaticas, quam sylvestres, legibus esse coērendas. Patet flumina & cataractas, quæ

ex his decurrunt regionibus, esse repurgandas, ut magis commode, quam hodie fiunt, in iisdem instituāqueant navigationes, & sic ex sylvis & pinetis Lapponiae abundantissimis, pretiosissimis, & Lapponibus ipsis & universæ Patriæ, ingens redundare posse lucrum. Cum porro extima hujus Lapponiae loca, ultra 70. millaria Tornoa distent, patet nullam sperari posse opulentiam, nisi ad promovenda in his regionibus commercia urbes exstruantur; exstrui autem deberent tres, in Parœcia Kusamoensi una, in Sådankyläensi (*a*) altera & tertia denique in Utsjokienſi. Quibus vero privilegiis hæc oppida efflent munienda, quibus commerciis & artibus manuariis subsistere deberent, hic multis exponere nolo. Lappones vero ipsos, mercatores fieri posse callidissimos, posse quibus cunque artibus manuariis adlevfieri, nemo, qui eorum expertus est ad quævis subtiliora artificia aptitudinem, negabit.

Quantam in bello præstare possent utilitatem Lappones, itidem hic præstat tacere, quam multis eloqui. Concipe si placuerit milites, qui in summis aquilonaris venti fævitiis, sub divo, in ipsis alpium jugis & aggeribus niveis, læti vivunt, quos, neque altissima nix, neque vastissima deserta, impedire queunt, quoniam cursum pro lubitū dirigant, qui vix alio opus habent cibo vel potu, quam sibi ipsi in sylvis venando comparant, qui paludes & flumina quævis summa trajiciunt dexteritate, nullis opus habent viis publicis, nullis pontibus, nullis navibus, quam quos ipsi brevissimo temporis spatio sibi comparant, quos fugien-

fugientes nemo capiet, persequentes nemo effugiet.

Bella, quæ cum ursis & aliis teris quotidie gerunt, vitæ pericula, quæ per horrendas cataractas navigaturi quotidie subeunt, satis docent, Lappones timiditatis jure accutari non posse.

(a) *Nomen Sädankylä Fennicum est & belli pagum significat, unde ad hæc loca bellum aliquando Lapponibus fuisse illatum verosimile videtur; Licet nec definit, qui pro Sädankylä dicendum existimat Soudankylä, b. e. pagum ad quem remigando (Soutamalla) pervenire poteris, cum sita sit hæc villa, ad flumen scaphis minoribus per vium.*

### §. XIX.

**D**E œconomia Novacolarum observamus, illos ex pastura bovum & renonum, non vivere modo, sed & diteſcere, Agros ſedulo colere, nec volunt, nec videtur ipsa regionis natura agriculturæ favere. Pra- ta quidem ex sylvis obtineri poſſunt, fluminibus & lacubus adjacentibus, eademque ab initio fertiliflîma; Sed poſt aliquot annorum fœniſecia, humidiora Spha- gno, ſicciora Polytrico tegi incipiunt & hoc induita te- gmento, parum admodum graminum proferre valent. Ex vastissimis Lapponiæ paludibus exſiccatis & ex- cultis, prata optima obtineri poſſe non dubitamus; (a) Sed longa admodum est in his regionibus hiems, ut si vel uberrima hic haberes prata, erit tamen bovum pastura ſemper laboriosiflîma; & quid opus eſt boves huic adſuſcere climati? quod animalia alit vaccis & tauris præſtantiora, quæ per totam hiemem pabulum ſibi

sibi ipsi comparant, quæ lac reddunt bovino multo præstantius, quæ vecturis optime inserviunt, quæ pelles exhibent præstantissimas, quæ carnem præbent magis delicatam bovina, quibus natura ipsa pascua dedit uberrima.

Si autem, eadem posthac, qua huc usque, detestabili sylvarum combustione, terras Lapponicas devastare pergent Novacolæ nostri, erit tandem hæc Lapponia steriliſſima & miserrima regio, per totum terrarum orbem reperiunda; etenim campi prædicti glareosi, lichene obducti, qui prata sunt Lapponum fertiliſſima, si igne fuerint combusti, vix unquam ad pristinam redibunt fertilitatem; sed manent lichene & omni fere alio vegetabili nudata, cuius rei per totam hanc Lapponiam plurima observavimus exempla tristissima. Lichenes dum a rangiferis eduntur, radices remanent, nova progerminant vegetabilia, crescent & augmentur; igne vero exulti vix seculo renasci queunt (b) Ideoque si alicubi, certe in Lapponia legibus prohiberi deberet omnis sylvarum combustio; & erunt Lappones accusatores & observatores transgressorum fidelissimi.

---

(a) Ideoque, vel solo hoc nomine, constare crediderim, Lapponiæ nostræ deserta, infelicissimis Arabiæ desertis multum esse præferenda; licet alioquin haud exigua inter utraque patebit convenientia, conferenti, quæ nos de campis Lapponiæ paludosis §. IV. observavimus, cum illis quæ de arenosis Arabiæ desertis passim referunt itineraria, quæque horum fide, de iisdem perhibentur, in elegantissima Diſ. de Itin. Israælit per Araæiæ deserta,

(b) Con-

(b) Confer Celeberrimi Höglströmii Beskriftn. öf v. Lapm p. 253.

§ XX.

**H**Æc sunt potissima, quæ de œconomia incolarum hujus Lapponiæ observavimus. Restat ut nonnulla quoque, mores & ingenium eorum spectantia in medium proferamus.

Ex nostro qualicunque judicio, Lappones hi Kiemenses, ingenio valent felicissimo, quod ex multorum annorum cum illis conversatione didicimus, quod ex variis illorum artibus venatoriis, summam ingenii solertiam arguentibus fusius demonstrare possemus,

Varia de rebus quotidianis sublime dicta proferrunt & versus Fennicos (Runor) absque atramenti & papyri usu, quotidie componunt, eosdemque aliis cantando divulgare solent.

Hilares plerumque sunt & jocosæ & blandiloquiis mutuis se oblectare solent, maxime enim sociales sunt & conversationibus dediti, omne a venationibus liberum tempus, confabulando in otio consumunt.

Corpore gaudent levissimo agillimo & exercitatiissimo. Faciei venustas Lapponibus his non est rarius, quam Ruricolis Patriæ ceteris. Munditiae corporis & vestium sunt studiosissimi, quippe non semel iterumque, sed sæpius si res tulerit, manus & facies lavare solent quotidie. Hinc ex gravissimis apud eos habetur conviciis neglectus lotionis accusari.

Morum integritas & unanimitas apud eos, si non summa, certe major, quam unquam alibi fumus experti, optandum foret, ne aliorum vitiosis exemplis a pristina tua seducerentur simplicitate.

Gloriæ

Gloriae sunt cupidissimi & existimationem ceteris bonis, si non omnes, certe plurimi eorum, anteponunt.

Spiritu vini, vel si mavis vino ambusto (bränvin) nimium deditos esse Lappones nostros, fatendum erit; sed majori hoc vini genus appetere desiderio, quam id faciunt Ruricolæ nostri, minime observavimus.

Per totam hancce Lapponiam casis utuntur ex trahibus confeccis non ex panno. Magicas artes, hodie penitus hi Kimienses ignorant Lappones, & tympana Lapponum magica dicta, in tota hac Lapponia non amplius reperiuntur.

Superstitionibus magis dediti sunt Ruricolæ nostri, quam hi Lappones.

In cognitione veri Numinis & in religionis Evangelico Lutheranæ articulis, adeo optatos fecisse progressus, ut cum optimis, quas nobis nosse contigit ecclesiis ruralibus in Svecia & Finlandia comparari queant, relatum reliqui nus, Lärda tdn. N:o 32. A. 1750. eandemque relationem contra injuriola Dn. Hagströmii & Nordströmii dubia vindicavimus, in ultimis pagellis tractatiunculae, cui titulus, Steniga backars upodling.

In justitia distribuenda & litibus si, quæ ortæ fuerint, oriuntur vero rarissime, componendis, tanta est Seniorum apud Lappones æquitas unanimitas & gravitas, ut non poteris sine summa ingenii & probitatis admiratione, illorum interesse conciliis. Quodsi majora aliqua scelera fuerint patrata, illa ad tribunal judicis territorialis deferre, reliqua vero, tantum non omnia, arbitraria poena mulctare, solent.

